

DEKRETU LEI 17/2009
8 de ABRIL
REGULAMENTASAUN LEI SERVISU
MILITÁR

Tuir Artigu 34 Lei Servisu Militar ne'ebé aprova liuhusi lei 3/2007, iha loron 28 fulan Feveiriu, ne'ebé altera no públika fila fali liuhusi 16/2008, iha loron 24 fulan Dezembru, no ba oin refere nu'udar LSM, Governu maka iha kompeténsia atu hala'o regulamentasaun jerál, no adapta Disposisaun ne'ebé halo hodi kumpre ho LSM ba sistema voluntariadu ne'ebé introdús tiha ona. No nune'e hala'o regulamentasaun LSM tomak, tuir buat ne'ebé hakerek tiha ona iha Artigu 34.

Hamutuk ho regulamentu, iha intensaun atu estabelese sistema rekrutamentu ne'ebé, iha tempu ne'ebé hanesan fó garantia ba Direitus sidadaun nian. Nune'e duni, sei konsidera nesiedade oin-oin efikásia administrativa nian, iha tempu ne'ebé hanesan, buka atu garante lejitimidade no legedade. Halo konsiderasaun liu-liu ba nesiedade atu estabelese sistema viavel ne'ebé adapta ba realidade Timor nian, liu-liu atu hatudu intervensaun husi ezemplu oin-oin organizasaun nian iha territóriu tomak. Hodi nune'e sei evita katak iha duplikasaun ba estrutura burokratika, no permite katak organizasaun rasik atu determina nesiedade organizasaun nian ba prosesu resenseamentu no rekrutamentu, no sei la iha previzaun atu obriga katak iha organizasaun ba administrasaun.

No mós, administrasaun maka sei halo definisaun kona-ba interversaun prosedimentu ne'ebé iha relasaun, ho garantia ne'ebé estatutu fó . Iha kazu ikus ne'e, ami fiar katak previzaun legal matéria nian fó garantia ne'ebé di'ak ba protesaun sidadaun nian no nune'e sai sujeitu ba regime jerál prosedimentu no organizasaun administrativa nian.

Halo mós konsiderasaun katak sistema rekrutamentu tenke fó dalan ba desenvolvimentu Forsa Armada Timor-Leste nian tuir nesiedade ne'ebé iha no ho konsiderasaun ba konseitu servisu no enkontru nian, ba konseitu estratéjia militar no ba konseitu estratéjia defeza Nasionál nian. Nune'e Alterasaun ne'ebé foin lalais halo ba LSM loke dalan hodi permite atu hala'o rekrutamentu liuhusi deklarasaun sidadaun nian atu tama tuir nia livre vontade, la'os deit liuhusi resenseamentu obrigatóriu. Maibe, tenke reforsa katak resenseamentu militar sei

obligatóriu nafatin ba sidadaun Timoroan hotu-hotu, mane no feto, iha tinan ne'ebé sira kompleta tinan 18. Tanba ita rekoñese katak resenseamentu sei Hasoru difikuldade barak kona-ba realidade sosial ne'ebé iha, resenseamentu sei kompleta liuhusi sidadaun hirak ne'ebé hakarak hala'o servisu militar liuhusi sira nia livre vontade. Nune'e, rekrutamentu militar sei hala'o tuir deklarasaun voluntáriu no, bainhira nesáriu, tuir regulamentu ida ne'e, uza mós dadus ne'ebé halibur liuhusi resenseamentu obrigatóriu, hodi nune'e servisu militar obrigatóriu kontínua hala'o nu'udar rejime normal, hodi uza karik laiha ema ne'ebé sufisiente, ne'ebé hakarak tama liu sira nia livre vontade no número la adekuadu ba nesiedade sira Forsa Armada nian.

Regulamentu LSM agora daudaun nian, buka mós atu fó sistema vinkulu nian ba Forsa Armada, tuir kontratu ka tuir vinkulu ba kadru permanente. Hanesan ho servisu militar obrigatóriu, servisu militar liuhusi livre vontade, iha Durasaun ne'ebé hanesan, bainhira hahu halo ba fulan 18, no hafoin ne'e bele renova fila fali ba tinan rua dala ida, ho tempu másimu ne'ebé bele hala'o servisu efektivu , tuir rejime voluntáriu ka tuir rejime kontratu maka tinan hitu. Hodi bele hetan kontratu ne'ebé temi iha leten, tenke tuir uluk prosesu selesaun, ne'ebé haree liu-liu ba nesiedade jerál no espesífiku Forsa Armada nian, ba kualifikasaun kandidatu sira nian no ba avaliasaun kona-ba servisu militar ne'ebé sira hala'o tiha ona. Atu liu ba kadru permanente tenke manan konkursu internu, no tenke iha vaga iha kadru Forsa Armada nian. Ami haree katak iha vinkulu oin rua ba Forsa Armada, hanesan tuir mai; rejime kontratu no nomeasaun ba kadru permanente. Ida primeiru aplika ba situasaun bainhira ita kumpre servisu militar tuir ita nia livre vontade, no hafoin ne'e kontínua hala'o servisu militar tuir kontratu ne'ebé fó ba sidadaun. Nomeasaun sei hala'o tuir konkursu públiku internu, no sidadaun hirak ne'ebé hala'o servisu iha Forsa Armada tuir kontratu deit maka bele hetan nomeasaun.

Sei la uza rejime ida ho insentivu , ne'ebé iha futuru sei iha, no sei estabelese liuhusi Dekretu-Lei. Opsaun ida ne'e hili tanba kontestu istóriu no sósiu-ekonomiku agora daudaun nian iha Timor-leste. Nune'e duni, ho koñesimentu katak desenvolvimentu ekonomiku la permite atu simu ema hotu-hotu ne'ebé oferese an atu servisu, possibilidade atu servisu iha Forsa Armada liuhusi relasaun servisu nian ne'ebé bele dada ba to'o tinan

hitu, no ho possibilidade katak ema balun sei aproveita atu sai membru kuadru permanente Forsa Armada nian, ho relasaun ba sistema pagamentu justu ne'ebé foin estabese, no nune'e possibilidade atu hetan formasaun ne'ebé sistema rasik oferese ba militár hotu-hotu, sai nu'udar insentivu ne'ebé sei la hetan hanesan iha sociedade Timor nian. Tuir objetivu dezvoltimentu Forsa Armada Timor-Leste nian, iha intensaun atu, tuir possibilidade, rekruta joven ho kualifikasaun no abilitasaun akadémiku ne'ebé to'o ba nesesidade sira kuadru tékniku nian no adekua ba dezvoltimentu no konsolidasaun F-FDTL nian, no sei sai nu'udar kontinjente espesial ba rekrutamentu ba kuadru permanente.

Nune'e:

Governu Dekreta tuir Artigu 34° Lei Servisu Militar, ne'ebé aprova liuhusi Lei n°3/2007, iha loran 28 fulan Feveireu, ne'ebé altera no pública fila fali liuhusi Lei 16/2008, iha loran 24 fulan Dezembu, no ho protesaun husi aliña a) husi n°1 iha Artigu 115□ husi Konstituisaun Repúblika nian, hodi sai nu'udar Lei buat ne'ebé tuir mai:

Artigu 1 Aprovasaun

Aprova Reglamentu Lei Servisu Militar ne'ebé pública iha aneksu ne'ebé parte integral ida husi Diploma ida ne'e.

Artigu 2 Baze-dadus

Sekretaria Estadu Defeza no Estadu Maiór Forsa Armada nian mantein apoiu informatiku ne'ebé nesesáriu bainhira hala'o servisu tuir sira nia kompeténsia iha prosesu rekrutamentu.

Artigu 3 Lejizlasaun komplementár

1. Sistema insentivu nian hodi kumpre ho servisu militar tuir rejime voluntáriu nian sei estabese tuir Dekretu-Lei, karik koñesimentu prosesu rekrutamentu nian hatudu katak nesesáriu.
2. Estatutu Objektor Konxiénsia nian no servisu síviku nian, sei estabese tuir Dekretu-Lei, ba sidadaun hirak ne'ebé tanba iha razaun ideolojika, politika, relijiozu ka filosofiku, la konsege kumpre servisu militar obrigatóriu.

Artigu 4 Artikulasáun Norma sira nian (Koordenasaun Norma sira nian)

1. Duvida hirak ne'ebé mosu kona-ba aplikasaun diploma ida ne'e nian, sei sai nu'udar tema despaxu ida husi membru Governu ne'ebé responsavel ba área Defeza.
2. Bainhira deit iha possibilidade atu iha aumenta ba despeza ba divida ne'ebé mosu bainhira aplika diploma ne'e nian, aumenta hirak ne'e sei sai nu'udar tema despaxu ida husi membru Governu ne'ebé responsavel ba área Defeza.

Artigu 5 Entrada em Vigór (Tama iha Vigór)

Dekretu -Lei ne'e vigora iha loran ne'ebé pública iha Jornal da Repúblika, no hahu husi loran 1 fulan Janeiru 2009.

Aprova iha Konsellu Ministru iha loran 25 fulan Feveireu 2009.

Primeiru Ministru

Kay Rala Xanana Gusmão

Ministru Defeza no Seguransa

Promulga iha 27/03/2009

Pública

Prezidente da Repúblika

José Ramos Horta

Regulamentu Lei Servisu Militar

KAPÍTULU 1 DISPOZISAUN JERAL

Artigu 1 Objetu

Lei Servisu Militar ne'ebé aprova liuhusi lei 3/2007, iha loron 28 fulan Feveireiru, ne'ebé altera no públika fila fali liuhusi 16/2008, iha loron 24 fulan Dezembru, no ba oin refere nu'udar LSM, tuir Artigu 34 kona-ba definisaun ba regra no prosedimentu ne'ebé nesésáriu hodi kumpre ho servisu efektivu normal.

Artigu 2 Servisu Efektivu

Tuir Artigu 5 LSM nian Servisu efektivu inklui situasaun hirak tuir mai:

- a) Servisu efektivu normal, ne'ebé envolve servisu militar ne'ebé hala'o husi sidadaun resenseadu ne'ebé bele bolu atu kumpre obrigasaun militar no sei halo revizaun beibeik bainhira presiza efektivu iha Forsa Armada maibe laiha ema ne'ebé hakarak tama tuir livre vontade, tuir diploma no lejlzasaun espesial.
- b) Servisu efektivu iha rejime voluntariadu, tuir kontratu ho sidadaun ne'ebé hakarak tama tuir livre vontade hodi hala'o servisu militar tuir diploma ne'e.
- c) Servisu efektivu iha rejime kontratu ne'ebé sei halo revizaun bainhira iha diferenca entre nesésidade sira Forsa Armada nian no vontade sidadaun ne'ebé hala'o servisu militar nu'udar konstritu (*Obrigadu halo servisu militar*) ka voluntáriu, atu kontinua servisu ba tempu ne'ebé limitadu.
- d) Servisu efektivu iha kadru permanente ne'ebé inklui servisu militar husi sidadaun ne'ebé tama ba karreira militar no sai nu'udar permanente, aplika mós ba militar sira ne'ebé agora daudaun iha fileira, no mós hirak ne'ebé tuir inkorporasaun voluntária ka obrigatóriu, hetan rekruta ba kadru permanente liuhusi prosesu selesaun própriu.
- e) Servisu efektivu ne'ebé tuir konvokasaun ka mobilizasaun, ba sidadaun hirak ne'ebé iha hela situasaun disponibilidade nian tuir lei.

Artigu 3

Obrigasaun Militar

- 1) Sidadaun Timoroan sira iha direitu no dever militar ne'ebé hanesan no hala'o tuir regulamentu ida ne'e, la ho deskriminasaun.
- 2) Sidadaun Timoroan hotu-hotu bele bolu hodi hala'o servisu militar no kumpre ho obrigasaun ne'ebé iha husi loron 1 fulan Janeiru iha tinan ne'ebé sira halo tinan 18 to'o loron 31 fulan Dezembru iha tinan ne'ebé sira kompleta tinan 30.
- 3) Sidadaun hirak ne'ebé la kumpre ho Norma hirak ne'ebé preve iha lei servisu militar ka ho regulamentu ida ne'e, sei laiha direitu hetan asesu ba servisu iha instituisaun Estadu nian ka ho entidade públika seluk, bele deit bainhira nia fornese servisu tuir dalan seluk.
- 4) la prejudika pontu n. 3 iha leten, autoridade militar ne'ebé iha konfesimentu kona-ba situasaun ida ne'ebé la kumpre ho dever militar, tenke fó hatene ba Estadu Maior Forsa Armada nian hodi komunika ba autoridade sivil ne'ebé relevante, liu-liu hodi hala'o prosesu kriminal karik iha.

Artigu 4

Definisaun

Ho relasaun ba informasaun ne'ebé hakerek iha diploma ida ne'e, konsidera katak:

- a) **Adiado** – sidadaun ne'ebé simu aprovasaun hodi atraza apresentasaun ba provas klasifikasaun no selesaun ka inkorporasaun nian;
- b) **Boletin Individual Resenseamentu Militar nian (BIRM)** – Dokumentu iha ne'ebé hakerek informasaun kona-ba data moris sidadaun ida-idak nian, ne'ebé bele bolu hodi kumpre ho obrigasaun militar;
- c) **Kadernu Resenseamentu nian** – Rejistu kona-ba sidadaun resenseadu hotu-hotu ho naran tuir orden alfabetu, tinan moris, Suco, sub Distritu, Distritu mobilizasaun ;
- d) **Siklu Klasifikasaun nian** – tempu másimu ne'ebé sira iha hodi hala'o prova klasifikasaun no selesaun nian ba klasifikasaun tinan-tinan kontinjente ida-idak nian;
- e) **Klase Rezerva Disponibilidade nian** – Sidadaun hirak ne'ebé hala'o servisu efektivu husi loron ne'ebé remata servisu ida ne'e to'o loron ne'ebé halo tinan 30;
- f) **Klase Rezerva Rekrutamentu nian** – Sidadaun hirak ne'ebé bele bolu hodi

- kumpre obrigasaun militar, husi resenseamentu militar to'o inkorporasaun ka alistamentu iha rezerva territorial;
- g) **Klase Rezerva Territorial** – Sidadaun husi kontinjente anuál ida-idak ne'ebé, tanba la kumpre servisu efektivu, bele bolu nafatin hodi kumpre obrigasaun militar, no hetan deznasasaun iha tinan ne'ebé kompleta tinan 20;
- h) **Klase de mobilizasaun** – Sidadaun hirak ne'ebé iha situasaun rezerva disponibilidade no lisensa nian no remata servisu efektivu iha tinan sivil ne'ebé hanesan ho tinan ne'ebé hetan deznasasaun;
- i) **Konskritu** – Sidadaun ne'ebé inklui iha rekrutamentu jerál, no nune'e bele bolu hodi kumpre obrigasaun militar;
- j) **Kontinjente anuál** – Mancebo hirak ne'ebé halo resenseamentu militar iha tinan sivil ida-idak;
- k) **Kontinjente anuál klasifikadu** – Sidadaun hirak ne'ebé remata prova klasifikasaun no selesaun nian iha siklu ida-idak klasifikasaun nian;
- l) **Kontinjente anuál inkorporadu** – rekruta hirak ne'ebé iha tinan sivil ida-idak, hetan inkorporasaun;
- m) **Deklarasaun individual resenseamentu militar (DIRM)** – dokumentu ne'ebé iha dadus pessoais ema ida nian, ne'ebé nia rasik ka nia representante legal prenxe bainhira apresenta hodi tuir resenseamentu, no militar iha interese ba dadus hirak ne'e;
- n) **Excedentários** – rekruta husi kontinjente anuál klasifikadu ne'ebé, tanba liu ona número ne'ebé prezisa atu inkorpora, sira alista ba iha rezerva territorial;
- o) **Mancebo** – Sidadaun ne'ebé tuir resenseamentu maibe seidak bolu hodi tuir prova klasifikasaun no selesaun;
- p) **Número identifikasaun militar (NIM)** – número ne'ebé identifika sidadaun ida-idak ne'ebé bele bolu bainhira deit iha período ne'ebé bele bolu nia laran, atu kumpre obrigasaun militar;
- q) **Omisso ao resenseamentu** – Sidadaun ne'ebé la halo BIRM no la haruka ba fatin rekrutamentu no mobilizasaun ne'ebé kompetente ba órgaun rejistu sivil ne'ebé iha rejistu moris nian;
- r) **Rekruta** – Sidadaun ne'ebé klasifika nu'udar aptu no hala'o kompromisu de onra, to'o tempu ne'ebé hetan inkorporasaun ka karik la inkorpora, to'o alistamentu iha rezerva territorial;
- s) **Refraktáriu** – Sidadaun ida ne'ebé la apresenta an ba inkorporasaun iha unidade ka establesimentu militar ba iha ne'ebé

nian simu konvokasaun, no la justifika nian falta iha prazu ne'ebé estabese;

- t) **Turnu Inkorporasaun nian** – grupu rekruta nian iha komponente ida, ne'ebé hetan inkorporasaun hamutuk hodi tuir kursu formasaun;
- u) **Voluntáriu** – Sidadaun ne'ebé iha tinan entre 18 no limite másimu ne'ebé membru Governu ne'ebé responsavel ba área Defeza sei estabese, bainhira estabese kondisaun espesial hodi kandidata an tuir livre vontade hodi hala'o servisu militar.

Artigu 5

Kompeténsia iha ambitu rekrutamentu nian

1. Membru Governu ne'ebé responsavel ba área Defeza nian maka iha kompeténsia hodi estabese número pesoál ba komponente ida-idak iha tinan ida ne'ebé atu inkorpora iha F-FDTL, tuir proposta husi Chefe Estadu Maiór - General Forsa Armada nian (CEMGFA) iha quadru kuantitativu ne'ebé tinan-tinan Governu estabese.
2. Diresaun Nasionál Rekursu Umanus (DNRH) iha Sekretaria Estadu Defeza (SED) maka iha kompeténsia, tuir Artigu 17 iha Lei Orgánika Ministériu Defeza no Seguransa nian ne'ebé aprova liuhusi Dekretu-Lei n. 31/2008, iha loran 13 fulan Agostu, hodi promove hamutuk ho apoiu husi Forsa Armada, rekrutamentu, konvokasaun no mobilizasaun militar sira Forsa Armada nian
3. CEMGFA maka iha kompeténsia atu orienta, aprova no koordena asuntu jerál ne'ebé iha relasaun ho rekrutamentu militar, liuliu, kritériu kona-ba oinsá fahe pesoál husi kontinjente anuál, no definisaun órgaun militar ho kompeténsia hodi hala'o rekrutamentu militar, liuhusi kolaborasaun ho DNRH iha SED.

Artigu 6

Órgaun Rekrutamentu nian

1. Planeamentu no Ezekusaun rekrutamentu militar asegura liuhusi kolaborasaun ho DNRH no SED, husi divizaun sira iha Estadu - Maiór F-FDTL nian ne'ebé nesésáriu, liuliu hirak ne'ebé iha órgaun ho kompeténsia iha área hirak tuir mai:
 - a) Pesoál
 - b) Rekrutamentu no mobilizasaun
 - c) Klasifikasaun no selesaun
 - d) Informátika

- e) Estudu psikotékniku (mental)
2. Tuir lei órgaun sivíl hirak tuir mai intervein iha rekrutamentu militár:
- a) Órgaun kompetente iha Ministériu Defeza, liuliu DNRH no SED;
 - b) Postu Distritu no Suco nian
 - c) Embaixada no postu konsulár;
 - d) Estabelesimentu ensinu ofisiál no privadu ka kooperativa hirak ne'ebé rekoñesidu;
 - e) Sentru identifikasaun sivíl no krimínál;
 - f) Servisu saúde no estabelesimentu prizaun nian;
 - g) Servisu públiku seluk iha ne'ebé husu intervensaun.
3. Intervensaun husi órgaun militár no sivíl ida-idak nian iha prosedimentu, sei defini liuhusi despaxu husi CEMGFA no membru Governu ne'ebé responsavel ba área defeza nian ka, karik refere ba órgaun hirak ne'ebé sira la iha poder tuir ierarkia, tutela ka superintendénsia, liuhusi Despaxu Konjuntu husi membru Governu ne'ebé kompetente no membru Governu ne'ebé responsavel ba área Defeza nian.

KAPITULU II REKRUTAMENTU MILITAR

Artigu 7 Konseitu no Modalidade Rekrutamentu nian

- 1) Rekrutamentu militár inklui operasaun hirak ne'ebé hala'o hodi hetan ema ne'ebé nesésáriu hodi tama ba Forsa Armada, tuir modalidade oin-oin Forsa Armada nian.
- 2) Tuir Artigu 5 LSM, rekrutamentu inklui modalidade hirak tuir mai:
 - a) Rekrutamentu normal, hodi hala'o servisu efektivu tuir rejime obrigatóriu nian ba fulan 18
 - b) Rekrutamentu tuir livre vontade, hodi hala'o servisu efektivu tuir rejime voluntariadu ba fulan 18
 - c) Rekrutamentu tuir kontratu, hodi hala'o servisu efektivu liuhusi kontratu ho Forsa

- Armada, ne'ebé bele renova ba período másimu tinan 5 ½
- d) Rekrutamentu espesial hodi hala'o servisu iha kadru permanente
- e) Rekrutamentu exesionál tuir konvokasaun ka mobilizasaun

Artigu 8 Operasaun Rekrutamentu nian

- 1) Rekrutamentu militár hala'o liuhusi operasaun hirak tuir mai:
 - a) Resenseamentu militár
 - b) Klasifikasaun no selesaun
 - c) Distribuisaun no alistamentu
- 2) Operasaun rekrutamentu inklui mós operasaun hirak ne'ebé nesésáriu hodi hetan ema husi naran modalidade ida rekrutamentu nian, hodi halo kontratu atu liu ba kadru permanente no ba hirak ne'ebé iha relasaun ba konvokasaun no mobilizasaun.

Artigu 9 Sédula Militár

- 1) Sédula militár uza; la prejudika saida maka hakerek iha n.4 Artigu ida ne'e nian, hodi halo identifikasaun militár ba sidadaun ida ba iha tempu ne'ebé bele bolu nia hodi kumpre obrigasaun militár, tuir rejistu informasaun kona-ba nia situasaun militár, husi resenseamentu to'o bainhira remata nia obrigasaun militár, no tuir informasaun hotu-hotu kona-ba kumprimentu obrigasaun militár sidadaun nian.
- 2) Sidadaun simu sédula militár bainhira nia halo resenseamentu, maibe karik la konsege entrega, entrega iha período molok atu fó notifikasaun ba nia hodi halo prova klasifikasaun no selesaun
- 3) Hafoin halo inkorporasaun, sédula militár sei troka ho kartaun identifikasaun militár nian, tanba ne'e unidade militár ne'ebé inkorpora tenke rekolla fila fali hodi hatama iha prosesu individuál militár nian, no entrega fila fali ba sidadaun bainhira nia entrega kartaun identidade militár iha tempu ne'ebé nia remata kumprimentu servisu efektivu normal, tuir rejime voluntariadu, kontratu, ka ingressu metin ona iha kadru permanente 9QP)
- 4) Modelu sédula militár nian aprova liuhusi despaxu husi membru

Governu ne'ebé responsavel ba área
Defeza nian.

Artigu 10
Notifikasaun sira

Notifikasaun ba sidadaun kona-ba asaun
ne'ebé iha relasaun ho rekrutamentu, halo
liuhusi komunikasaun pesoál, no bele halo tuir
korreiu liuhusi karta rejistada ka, bainhira ne'e
la'os posivel, notifikasaun liuhusi kontaktu
pesoál ne'ebé autoridade militar iha área
ne'ebé sidadaun hela, hala'o.

SEKSAUN 1
KONA-BA RESENSEAMENTU NO
MODALIDADE REKRUTAMENTU NIAN

SUB SEKSAUN 1 RESENSEAMENTU
MILITAR

Artigu 11
Objetivu Resenseamentu Militar

Tuir LSM, resenseamentu militar obrigatóriu,
no halo hodi hetan informasaun kona-ba
sidadaun hotu-hotu ne'ebé tinan-tinan to'o
idade atu hahu sira nia obrigasaun militar.

Artigu 12
Baze Resenseamentu nian

- 1) Resenseamentu militar, tuir preferénsia,
bazeia ba rejistu moris nian ne'ebé prenxe
iha BIRM.
- 2) Hodi hala'o Artigu iha leten, bele uza
rezultadu husi prosedimentu
resenseamentu seluk, liuliu husi
resenseamentu eleitorál.
- 3) Dadus pessoais sidadaun nian tenke
atualiza no komplementa
 - a) Husi DIRM;
 - b) Husi informasaun seluk ne'ebé
sidadaun sira fó, liuliu bainhira
kandidata an hodi hala'o servisu
militár tuir rejime voluntariadu
(RV)
- 4) Dadus pessoais sidadaun sira ne'ebé
resenseadu, tau iha fixa ne'ebé bazeia ba
BIRM no mantein liuhusi
responsabilidade DNRH iha SED F-FDTL
nian.
- 5) Sidadaun ida-idak ne'ebé iha naran iha
fixa ne'ebé refere iha número leten nian,
simu número identifikasaun militar ne'ebé
la tuir orden (NIM)
- 6) NIM iha número 8, bainhira ita lee
número husi liman karuk, número 6
primeiru la tuir orden, no número 2 ikus

refere ba tinan ne'ebé sidadaun kompleta
tinan 20.

- 7) Dadus pessoais ne'ebé rekolla liuhusi
número sira iha leten, bele uza deit hodi
halo resenseamentu militar.
- 8) Modelu BIRM no DIRM aprova liuhusi
despaxu husi membru Governu ne'ebé
responsavel ba área Defeza Nasionál.

Artigu 13
Divulgasaun pública ba Resenseamentu
Militár
(Sosializasaun resenseamentu militar)

- 1) Obrigasaun sidadaun sira nian atu
apresenta an ba resenseamentu militar,
halo Sosializasaun liuhusi:
 - a. Surat ne'ebé taka iha postu
Suco/Distritu nian, eskola
sekundáriu no superior, Distritu
rekrutamentu no mobilizasaun,
Embaixada no postu konsular, iha
trimester (fulan tolu) ikus, tinan
ida-idak nian
 - b. Pública (fó sai) iha órgaun
komunikasaun nasional iha fulan
Dezemburu no Janeiru nia laran.
- 2) Tenke uza meius hotu-hotu ne'ebé
adekudu hodi fó hatene ba ema hotu-hotu
ne'ebé iha obrigasaun atu apresenta an ba
resenseamentu militar.

Artigu 14
Aprezentsaun ba resenseamentu militar

- 1) Resenseamentu militar obrigatóriu, no
nune'e, iha fulan Janeiru nia laran
sidadaun hotu-hotu ne'ebé kompleta tinan
18 iha tinan ida ne'e, nia rasik, ka liu husi
nia representante legal, tenke apresenta an
ba resenseamentu militar, iha
Suco/Distritu ka postu konsular iha área
ne'ebé nia hela
- 2) Bainhira atu ba hala'o resenseamentu
militár, sidadaun tenke iha dokumentu
legal identifikasaun nian, ka dokumentu
seluk ne'ebé bele uza hodi substitui, no
karik laiha, testemuña kompetente nain
rua.
- 3) Bainhira prezentsaun ba resenseamentu
halo liuhusi representante legal,
representante ne'e tenke iha nia
identifikasaun no prokurasau legal ho
poder ne'ebé suficiente hodi halo
resenseamentu.

Artigu 15
La apresenta an ba resenseamentu militar

- 1) Sidadaun ne'ebé la prezenta an Ba resenseamentu militar iha prazu ne'ebé preve iha regulamentu atual tenke regulariza nia situasaun militar iha órgaun ho kompeténsia ba rekrutamentu no mobilizasaun, ka iha postu konsular iha área ne'ebé nia hela to'olon 30 hafoin resenseamentu
- 2) La prejudika saida maka hakerek iha número 3 Artigu 3 regulamentu ida ne'e nian, sidadaun hirak ne'ebé konsidera nu'udar faltozu hetan konvokasaun ba prova klasifikasaun no selesaun nian bainhira to'olon tempu, no integra iha kontinjente anuál iha ne'ebé nia pertense/halo parte.

**SUBSEKSAUN II
KANDIDATURA BA SERVISU MILITAR
VOLUNTARIU NO KOMPLEMENTU DO
RESENSEAMENTU**

Artigu 16

**Divulgasaun ba possibilidade konkursu
(Sosializasaun ba possibilidade atu loke
konkursu)**

- 1) Rekrutamentu liuhusi livre vontade ho objetivu hodi hatama sidadaun hodi hala'olon servisu militar efektivu, hala'olon liuhusi konkursu, tuir despaxu husi membru Governu ne'ebé responsavel ba área defeza nian, ne'ebé bele delega ba Chefe Estadu Maiór General Forsa Armada nian.
- 2) Despaxu atu loke konkursu sei halo referénsia ba kondisaun jerál no sei determina kondisaun espesial admisaun nian, fatin no prazu efektivu nian.

Artigu 17

**Finalidade no kondisaun admisaun nian
(Razaun no kondisaun admisaun nian)**

- 1) Rekrutamentu liuhusi livre vontade nia objetivu maka atu hatama sidadaun hodi hala'olon servisu militar efektivu.
- 2) Kondisaun jerál admisaun nian maka:
 - a. Iha Nasionalidade Timor
 - b. Iha minimu tinan 18
 - c. Iha kapasidade mental ne'ebé suficiente
 - d. Labele proibidu atu hala'olon funsaun pública
 - e. Labele iha rejistu kriminal ne'ebé kumpre pena iha prizaun
 - f. Tenke iha situasaun militar ne'ebé regulariza tiha ona
 - g. Tenke iha abilitasaun literária ne'ebé suficiente

- 3) Kondisaun espesial admisaun nian estabelese liuhusi despaxu husi membru Governu ne'ebé responsavel ba área Defeza, liuhusi proposta husi Chefe Estadu Maiór General Forsa Armada nian.
- 4) Kandidatura tenke mós permite hodi kompleta baze resenseamentu obrigatório nian, kona-ba dados ne'ebé sei falta ka la tau.

Artigu 18

**Rekrutamentu tuir livre vontade ba quadru
tékniku**

- 1) Ho vizaun atu forma quadru tékniku Forsa Armada nian, ne'ebé iha Médiku, Amu, enjeñeiru, Jurista, Jestór no profisaun seluk tan ne'ebé suficiente hodi satisfás nesesidade ba pesoál kualifikadu, bele hala'olon rekrutamentu voluntáriu ba quadru tékniku sira, ho número ne'ebé ki'ik, ba ema ne'ebé iha lisensiatura ka ba sidadaun seluk ho kualifikasaun ne'ebé adekuadu.
- 2) Inkorporasaun ida ne'e sei respeita número efektivu total no componente ida-idak nian, hodi incorpora iha tinan ida-idak tuir determinasaun ne'ebé superior sira halo
- 3) Rekrutamentu tuir livre vontade ba quadru tékniku sira hala'olon molok atu tuir período minimu formasaun bazika, ne'ebé labele hala'olon ba tempu ne'ebé menus liu sorin ida husi instrusaun normal, bele bolu mós sira atu tuir formasaun atu kompleta liu tan, ne'ebé suficiente ba funsaun espesifiku ne'ebé atu hala'olon.
- 4) Lejizlasaun espesial bele determina limitasaun hodi hala'olon funsaun komandu no funu nian ba militar hirak ne'ebé rekruta tuir prosesu rekrutamentu voluntáriu ba quadru tékniku.

Artigu 19

Kandidatura

- 1) Kandidatura hodi hala'olon servisu militar tuir rekrutamentu voluntáriu tenke entrega rasik iha loran no fatin ne'ebé determina iha despaxu bainhira loke, liu-liu ba unidade sira Forsa Armada nian, ba órgaun administrasaun iha Distritu ka Suco, no ba sentru rekrutamentu ne'ebé estabelese.
- 2) Bainhira atu hatama kandidatura, sidadaun deklara nia vontade atu hala'olon servisu militar efektivu tuir rekrutamentu voluntáriu (livre vontade), no tenke hetan informasaun kona-ba Norma estrutura nian ne'ebé

aplika ba servisu ida-idak ne'ebé atu hala'o, no ba kondisaun seluk ne'ebé aplika.

- 3) Deklarasaun ne'ebé n. 2 iha leten refere, inklui prenxe no entrega formuláriu ofisiál, ne'ebé membru governu ne'ebé responsavel ba área Defeza sei aprova hafoin rona Chefe Estado Maiór Forsa Armada nian
- 4) Bainhira atu hatama kandidatura, sidadaun tenke hateten:
 - a) Dadus pessoais ne'ebé inklui filiasaun, abilitasaun Literária, kapasidade profisionál no rezidénsia , númeru telefone no fax, no Enderesu eletróniku (e-mail) karik iha
 - b) Komponente iha ne'ebé hakarak tama
 - c) Preferénsia tuir área servisu nian
 - d) Preferénsia tuir área jeográfika iha ne'ebé hakarak hala'o servisu militar
- 5) Bainhira kandidatura formaliza tiha ona, sidadaun simu informasaun husi órgaun rekrutamentu nian kona-ba fatin, loron no oras atu halo ezame ba klasifikasaun no selesaun, ka kona-ba osan ne'ebé nia gasta, ne'ebé nia iha direitu atu simu fila fali, no mós ba dokumentu pesoál ne'ebé tenke fó hanesan sédula militar, billete identidade , sertifikadu abilitasaun Literária nian ka profisionál, sertifikadu rejistu kriminal ka dokumentu seluk ne'ebé tenke entrega hodi halo alistamentu ne'ebé loos.
- 6) Karik kandidatura la loos, la kompletu ka la prepara halo didi'ak, ne'e sei determina eskluzaun kandidatu sira nian, maibe la fó prejuizu ba buat ne'ebé hakerek iha númeru 4 Artigu 3 nian.

Artigu 20

Prazu kandidatura nian remata

- 1) Karik iha prazu tinan ida nia laran, sura husi loron ne'ebé formaliza nian, la hala'o konvokasaun hodi tuir ezame klasifikasaun no selesaun, kandidatura sidadaun nian sei kaduka – la vale ona
- 2) Karik la apresenta an atu tuir ezame klasifikasaun no selesaun nian, deklarasaun kandidatura nian sei la vale
- 3) Karik akontese tuir númeru 2 iha leten, sidadaun tenke hein loron 90

molok nia bele hatama fali kandidatura foun

Artigu 21

Loron forsa Armada nian

- 1) Hahalok hodi fó hatene ba sidadaun sira ne'ebé to'o tinan hodi hala'o servisu militar, integra iha selebrasaun Loron Forsa Armada nia, no tenke hala'o iha unidade militar Falintil-FDTL, iha eskola Sekundária no superior, no iha fatin públiku ne'ebé iha kondisaun hodi hala'o, tuir loron no kondisaun seluk ne'ebé tau iha despaxu konjuntu husi membru Governu ne'ebé responsavel ba área Defeza no órgaun sira ne'ebé iha tutela.
- 2) Publikasaun kona-ba asaun atu hala'o iha Loron Defeza Nasionál nian liuhusi editál no taka ho antesidénsia (molok to'o loron) iha postu Suco no Distritu nian, iha eskola Sekundária no superior, iha órgaun rekrutamentu no postu konsular, no tenke envolve sidadaun ne'ebé halo parte, fatin, loron no oras ne'ebé atu hala'o sira nia apresentasaun, no tenke mós tenke fó sai informasaun iha tempu nia laran, liuhusi órgaun komunikasaun sosial ne'ebé hala'o servisu públiku nasional no tuir rejaun, no mós liuhusi prosesu seluk ne'ebé adekuaду
- 3) Planeamentu no elaborasaun ba asaun sensibilizasaun (hahalok hodi fó koñesimentu/fó hatene) iha loron Defeza Nasionál, kompeténsia komisaun ida nian, ne'ebé inklui representante sira DGRH iha SED, no ho sira Forsa Armada no órgaun adekuaду iha instituisaun sira iha pontu leten nian tenke kolabora.

SUBSEKSAUN III

REKRUTAMENTU HODI HALA'O SERVISU MILITAR TUIR KONTRATU

Artigu 22

Universu Kandidatu sira nian (Kandidatu mai husi ne'ebé)

1. Rekrutamentu hodi hala'o servisu militar tuir rejime kontratu hala'o entre:
 - a. Militar hirak ne'ebé hala'o servisu militar tuir rejime normal obrigatóriu ka voluntáriu.

- b. Sidadaun hirak ne'ebé hala'ó servisu militar iha tempu ne'ebé la liu tinan rua ba kotuk, tuir kondisaun ne'ebé hanesan ho iha pontu iha leten
2. Iha rekrutamentu ne'e, fó preferénsia ba kandidatu hirak ne'ebé tuir formasaun iha Akademia Militar, ka iha Eskola Formasaun ba Sarjentu iha rai hirak ne'ebé Timor-Leste iha akordu kooperasaun ba área militar.
3. La prejudika saida maka hakerek iha número anterior, voluntáriu hirak ne'ebé rekruta ba kadru tékniku tuir diploma ida ne'e, mai husi kontinjente espesial rekrutamentu nian iha rejime kontratu ho Forsa Armada.

Artigu 23
Sosializasaun kona-ba Abertura
Konkursu nian

1. Rekrutamentu hala'ó tuir prosedimentu hirak tuir mai:
 - a) Loke konkursu tuir despaxu husi membru Governu ne'ebé responsavel ba área Defeza , hafoin rona Chefe Estadu Maiór General Forsa Armada nian;
 - b) Despaxu ne'ebé refere iha leten determina kondisaun rekrutamentu tuir kontratu nian, ne'ebé proteje buat ne'ebé Forsa Armada espesifika, tenke respeita prinsípiu jerál rekrutamentu, selesaun no promosaun ba administrasaun pública, liu-liu kona-ba publisidade no prosedimentu loke konkursu nian, estrutura no membru sira juri nian no métodu selesaun nian.
2. Bainhira fó hatene katak atu loke konkursu, tenke fó hatene objetivu rekrutamentu nian, tuir komponente Forsa Armada ba iha ne'ebé rekruta, preferénsia ba espesialidade, no mós limite ba tempu kontratu nian no ba renovasaun kontratu nian.

SUB-SEKSAUN IV
REKRUTAMENTU ESPESIAL
BA KUADRU PERMANENTE

Artigu 24
Rekrutamentu Espesial

1. Rekrutamentu espesial ba kadru permanente loke liu husi despaxu husi membru Governu ne'ebé responsavel ba área Defeza nian hafoin rona Chefe Estadu Maiór General Forsa Armada nian;
2. Despaxu ne'ebé refere iha leten determina kondisaun rekrutamentu espesial ba kadru permanente nian, ne'ebé proteje buat ne'ebé Forsa Armada espesifika, tenke respeita prinsípiu jerál rekrutamentu, selesaun no promosaun ba administrasaun pública, liu-liu kona-ba publisidade no prosedimentu loke konkursu nian, estrutura no membru sira juri nian no métodu selesaun nian
3. Bainhira fó hatene katak atu loke konkursu, tenke fó hatene objetivu rekrutamentu nian, tuir komponente Forsa Armada ba iha ne'ebé rekruta, preferénsia ba espesialidade, no limitasaun seluk ne'ebé apropiadu.
4. Prosesu rekrutamentu nian depende ba aprovasaun ne'ebé iha molok atu hala'ó, husi kadru permanente Forsa Armada nian

SEKSAUN 26
Finalidade no Ambitu
(Razaun no Ambitu)

1. Rekrutamentu exesional buka atu hala'ó servisu militar efektivu tuir konvokasaun ka mobilizasaun ba sidadaun hirak ne'ebé iha situasaun diponibilidade.
2. Konvokasaun ne'ebé refere iha Artigu 26 LSM, tuir situasaun ne'ebé iha, sei sai hanesan tuir mai:
 - a) Husi despaxu husi membru Governu ne'ebé responsavel ba área Defeza , hafoin rona Chefe Estadu Maiór General Forsa Armada nian, ne'ebé fó sai iha minimu loraun 30 antes, no sei fó hatene kona-ba efektivu sira, Durasaun servisu militar nian no sei determina objetivu servisu nian, bainhira hala'ó iha situasaun resiklajen (treinu fila fali), formasaun, ezersisiu ka manobra militar nian.
 - b) Husi Dekretu Governu nian ne'ebé tuir proposta husi Membru Governu ne'ebé

- responsavel ba área Defeza nian hafoin rona Chefe Estado Maiór General Forsa Armada nian, hodi Hasoru situasaun perigu funu nian ka agresaun ne'ebé bele mosu ka iha tiha ona, husi forsa estranjeiru, molok hasai Dekretu hodi hala'o mobilizasaun jerál militar nian.
3. Iha naran situasaun ida ne'ebé preve iha número anterior, sidadaun sira iha possibilidade atu tama liuhusi livre vontade ba reserva disponibilidade nian.
 4. Sidadaun hirak ne'ebé iha hela situasaun disponibilidade nian, bele mobiliza hodi hala'o servisu militar efektivu iha Forsa Armada bainhira iha Estado de sítu.

Artigu 27
Definisaun ba Kontinjente Reserva
disponibilidade nian

1. Definisaun ba kontinjente reserva disponibilidade nian ne'ebé klasifika hodi hala'o konvokasaun, tuir fatór preferénsia, ne'ebé tuir orden prioridade nian:
 - a. Sidadaun sira husi tinan ne'ebé sira kompleta tinan 20, tuir orden konsektivu tinan nian, ne'ebé ema komprende katak hanesan tinan ida;
 - b. Sidadaun hirak ne'ebé refere ba iha número iha leten, ne'ebé seidak kaben no laiha responsabilidade ba família ne'ebé bele prova.
2. Definisaun ba kontinjente sira ne'ebé refere iha número iha leten, sei halo aleatoriamente (la tuir orden)

SEKSAUN II
KLASIFIKASAUN NO
SELESAUN

SUB SEKSAUN I
REKRUTAMENTU NORMAL
TUIR REJIME VOLUNTARIADU

Artigu 28
Ambitu Aplikasaun

Regra sira ne'ebé presente iha sub seksaun maka regula matéria komún ba rekrutamentu normal no iha rejime voluntáriu nian

Artigu 29
Kontinjente anuál atu Klasifika

1. Sidadaun hirak ne'ebé resenseadu no apresenta kandidatura hodi hala'o servisu

militár tuir rejime voluntariadu, tenke tuir ezame ba klasifikasaun no selesaun, bainbain iha tinan bainhira sira kompleta tinan 19.

2. Karik bainhira hala'o inkorporasaun, laiha sidadaun ne'ebé hakarak tama liuhusi livre vontade la to'o, ka iha nesiedade atu hala'o inkorporasaun ba efektivu hirak ne'ebé iha perfil ne'ebé determina tiha ona, liuliu kona-ba abilitasaun, bele bolu sidadaun ne'ebé presiza hodi tuir ezame ba inkorporasaun tuir sensu ne'ebé iha.
3. La prejudika ba número iha leten, bainhira verifika katak iha nesiedade atu halo inkorporasaun ba efektivu ho perfil ne'ebé determina tiha ona liuliu kona-ba abilitasaun, tenke halo notifkasaun ba sira ne'ebé tuir ita nia hanoin korresponde ho nesiedade sira Rekursu Umanus F-FDTL nian, tuir dadus husi ema hirak ne'ebé hakarak tama liuhusi livre vontade, no liuhusi atualizasaun ba dadus ne'ebé sidadaun sira tenke halo.
4. Ezame ne'ebé refere bele hala'o, hahu husi tinan resenseamentu ka kandidatura ba servisu militar obrigatóriu bainhira determina tiha ona ezijénsia natureza funsaun nian ka nesiedade atu kumpre ho prazu.
5. Ezame sira klasifikasaun no selesaun nian submete bainhira la'os siklu normal ba klasifikasaun sidadaun sira ne'ebé:
 - a. Iha autorizasaun atu antisipa tinan normal inkorporasaun nian
 - b. Resenseadu hafoin tempu normal tanba omisaun, naturalizasaun ka tanba razaun seluk
 - c. Iha situasaun ((Sei hein klasifikasaun))
 - d. Sai husi semináriu, ka membru husi Institutu Relijiaun ka Ministru Relijiaun ne'ebé hala'o iha rai laran.
 - e. Lakon ka deziste husi sira nia direitu atu adia sira nia obrigasaun militar
 - f. Hirak ne'ebé tuir hela tinan ikus iha kursu superior ka kursu ne'ebé ekivalente, no hetan benefisiu husi rejime ne'ebé bele adia
 - g. Liu tiha ona tinan ida husi loron ne'ebé sira tuir ezame ba klasifikasaun no selesaun, maibe sira la simu konvokasaun hodi inkorpora ka alista iha reserva territoriál
 - h. Sidadaun hirak ne'ebé la tau naran tuir livre vontade

- (voluntáriu) , bainhira nesesáriu no bainhira sira husik hela situasaun nu'udar eskluzaun temporáriu ne'ebé preve iha Artigu 20 LSM, molok loron 30 fulan Dezembru iha tinan ne'ebé sira kompleta tinan 30
- i. Sai husi situasaun ne'ebé sira nu'udar objektór tuir konxiénsia, bainhira sei iha tinan ne'ebé determina nia laran.

Artigu 30 Klasifikasaun no Selesaun

1. Lihusi klasifikasaun no selesaun, ita bele komprende konjuntu operasaun rekrutamentu nian ne'ebé hala'o hodi determina nivel kapasidade mental sidadaun sira nian hodi hala'o servisu militar, ne'ebé konsidera nu'udar dalan ida hodi hala'o servisu, kategoria no especialidade ka klase ne'ebé sidadaun sei ba.
2. Determinasaun nivel kapasidade ne'ebé refere iha leten, bazeia ba aplikasaun
 - a. Tabela inkapasidade (*laiha kapasidade*) no inaptidaun (*laiha kbiit*) nian, ne'ebé aprova liuhusi despaxu husi membru Governu ne'ebé responsavel ba área Defeza hafoin rona Chefe estadu Maiór General Forsa Armada;
 - b. Tabela perfil mental no konjuntu Norma sira avaliasaun kapasidade fizika no mental, ne'ebé aprova husi Chefe estadu Maiór General Forsa Armada nian

Artigu 31 Konvokasaun ba Ezame

1. Konvokasaun hodi tuir ezame ba klasifikasaun no selesaun halo ho minimu loron 45 antes, no ho preferénsia liuhusi editál ne'ebé taka iha Suco/Distritu iha ne'ebé sidadaun tuir resenseamentu
2. Sidadaun hirak sira nia adiantamentu kansela ka hetan autorizasaun atu adia ezame, inklui iha editál estra ne'ebé sei taka iha Suco/Distritu iha ne'ebé sidadaun halo resenseamentu, iha primeira semana fulan Marsu iha tinan ne'ebé adiantamentu kansela
3. Editál hodi konvoka ema hodi tuir ezame inklui informasaun kona-ba data, oras no fatin atu apresenta an, no mós informasaun kona-ba transporte

4. Iha fulan Agostu nia laran, editál sira haruka liuhusi órgaun ne'ebé iha kompeténsia ba rekrutamentu no mobilizasaun ba Distritu sira, hodi fahe ba Suco sira
5. Konvokasaun bele entrega rasik iha órgaun ho kompeténsia ba rekrutamentu no mobilizasaun ka haruka liuhusi korreiu, no bele konfirma katak simu ba sidadaun sira ne'ebé hakarak halo inkorporasaun tinan ida molok sira kompleta tinan 20, no mós iha kazu espezial ne'ebé preve iha regulamentu atual no inklui iha editál sira
6. Husi konvokasaun, sei temi katak sidadaun sira sei hetan transporte ka simu fila fali osan ne'ebé gasta ba transporte, alojamentu (*fatin atu hela*) no alimentasaun (*aihan*) durante periodu ezame nian
7. Iha tinan ida ne'e, prosedimentu no prazu artigu ida ne'e nian aplika deit bainhira realiza.

Artigu 32 Aprezenta an ba Ezame

1. Sidadaun apresenta an ba órgaun ho kompeténsia atu hala'o klasifikasaun no selesaun, ho dokumentu legal identifikasaun nian no ho sédula militar, no mós ho dokumentu hotu-hotu ne'ebé bele tulun hodi halo klasifikasaun no selesaun ne'ebé adekua, liuliu sertifikadu abilitasaun akadémika no profesionál.
2. Sidadaun ne'ebé, liuhusi lei hakarak iha prioridade ba alistamentu ba iha rezerva territoriál tenke iha sertidaun hodi prova nia estadu sivil, karik nia kaben nain, no halo deklarasaun tuir kompromisu onra nian responsabilidade família ne'ebé nia iha ho número maun alin ne'ebé nia iha liuhusi dokumentu ne'ebé nesesáriu.

Artigu 33 Provas Klasifikasaun no Selesaun (Ezame Klasifikasaun no Selesaun)

1. Ezame klasifikasaun no Selesaun inklui :
 - a. Ezame kapasidade nian, hodi halo avaliasaun ba kapasidade mental atu hala'o servisu militar iha especialidade ka klase oin-oin ;
 - b. Ezame atu kompleta liu tan rezultadu, ne'ebé hatudu katak iha nesesidade atu hala'o avaliasaun ka reavaliasaun (avaliasaun ba daruak) kona-ba kapasidade mental sidadaun nian.

2. Tuir rezultadu husi ezame klasifikasaun no selesaun nian, órgaun rekrutamentu nian fó klasifikasaun ba sidadaun sira hanesan tuir mai:
 - a. Apto – bainhira satisfás perfil mental ne'ebé nesesáriu hodi hala'o servisu militar efektivu
 - b. Inapto – bainhira la satisfás perfil mental ne'ebé nesesáriu hodi hala'o servisu militar efektivu
 - c. A Aguardar Klasifikasaun - bainhira seidauk iha kapasidade mental ne'ebé ezije, maibe hatudu katak iha possibilidade atu bele hetan kapasidade iha fulan tolu nia laran hafoin halo ezame.
3. Iha kazu ne'ebé preve iha aliña b) no c) iha leten sidadaun sei simu deklarasaun ida ne'ebé fó baze ba rezultadu ne'ebé nia simu ho referénsia ba número problema ne'ebé iha, tuir tabela ho perfil mental ba kbiit no kapasidade ne'ebé seidauk iha.
4. Ezame ne'ebé refere iha Artigu ida ne'e hala'o iha órgaun rekrutamentu ka bainhira nesesáriu, iha órgaun ka servisu Forsa Armada nian ka sivil, tuir Disposisaun jerál iha Kapítulu 1.
5. Sidadaun hirak ne'ebé simu klasifikasaun nu'udar aptu , hetan orden hodi inkorpora tuir kritériu ne'ebé determina iha despaxu husi membru Governu ne'ebé responsavel ba área Defeza
6. Hodi bele hala'o tuir saida maka hakerek iha Artigu ne'e , sidadaun iha direitu atu hetan lisensa husi sira nia patraun ba se sira servisu

Artigu 34
Provas komplementár
(Ezame hodi Kompleta liu tan)

1. Bele hala'o ezame hodi kompleta liu tan selesaun, liuhusi kolaborasaun ho servisu especializadu husi komponente ne'ebé iha interese ho intensaun atu halo alistamentu ba rekruta atu tama ba especialidade ka klase spesifiku komponente ida ne'e nian
2. Ezame komplementár F-FDTL nian bele hala'o husi entidade seluk F-FDTL nian, no entidade sivil seluk tuir buat ne'ebé preve iha Disposisaun jerál iha Kapítulu 1 tuir nesidade spesifiku

Artigu 35
Kritériu

Kritériu ba klasifikasaun no selesaun kandidatu sira nian, no ba kondisaun kona-ba asesu ba kursu formasaun, defini liuhusi despaxu husi membru Governu ne'ebé responsavel ba área

Defeza, hafoin rona Chefe Estado Maiór
General Forsa Armada nian

Artigu 36
Preferénsia Sidadaun nian

1. Sidadaun hirak ne'ebé konsidera nu'udar *apto* bele hateten, iha órgaun ne'ebé iha kompeténsia kona-ba klasifikasaun no selesaun, sira nia preferénsia kona-ba komponente, especialidade, turnu inkorporasaun no área jeográfika iha ne'ebé sira hakarak atu kumpre sira nia servisu militar efektivu normal, liuhusi formuláriu ne'ebé sira tenke prenxe.
2. Bainhira halo alistamentu, sei konsidera mós sira nia preferénsia, bainhira preferénsia hirak ne'e la fó prejuizu ba nesidade sira F-FDTL nian, no karik rezultadu klasifikasaun no selesaun nian fó dalan.
3. La prejudika buat ne'ebé hakerek iha número sira leten nian, bele halo inkorporasaun tarde liu, no bainhira sei mantein nafatin vinkulu ho Forsa Armada, halo verifikasaun ba transferénsia komponente nian, especialidade no área jeográfika, iha ne'ebé militar hala'o servisu, tuir nia rasik nia hakarak ka tuir konveniénsia ba Forsa Armada.

Artigu 37
Rekursu Klasifikasaun ne'ebé Simu

1. Sidadaun sira bele, tuir N. 4 husi Artigu 14 LSM nian, interfere rekursu/apelu ierárkiku husi klasifikasaun ne'ebé simu husi órgaun ho kompeténsia ba klasifikasaun no selesaun, ba membru governu ne'ebé responsavel ba área Defeza.
2. Rekursu/Apelu, ho baze ne'ebé nesesáriu, apresenta iha órgaun ho kompeténsia ba klasifikasaun no selesaun iha ne'ebé simu klasifikasaun iha prazu lora servisu 10 nia laran – hahu husi lora komunikasaun nian.
3. Desizaun rekursu /apelu nian, ne'ebé sei fó iha prazu lora 30 nia laran, sei bazeia ba ezame foun husi ema ne'ebé husu rekursu, liuliu kona-ba área hirak ne'ebé iha diferensa, no nune'e tenke konvoka ema ne'ebé halo rekursu/apelu
4. Komandante órgaun ho kompeténsia kona-ba klasifikasaun no selesaun, fó informasaun kona-ba rekursu/apelu, no refere ba membru Governu ne'ebé responsavel ba área Defeza, no fó hatene mós ba órgaun ho kompeténsia ba

- rekrutamentu no mobilizasaun iha loron 5 nia laran.
5. Membru Governu ne'ebé responsavel ba área Defeza bele delega kompeténsia ne'ebé preve iha Artigu ida ne'e ba CEMGFA –Chefe Estadu Maiór General Forsa Armada ka ba Diretór DNRH nian iha SED.

Artigu 38
Repete Prova
(Repete Ezame)

Sidadaun ne'ebé tuir rezultadu ezame ba klasifikasaun no selesaun konsidera katak *aguarda klasifikasaun* halo fila fali ezame iha loron 10 nia laran tuir hafoin liu prazu, no nune'e hetan klasifikasaun nu'udar *aptu ka inaptu*.

Artigu 39
Prazu validade provas nian
(Prazu validade ezame nian)

Rezultadu ezame klasifikasaun no selesaun sidadaun sira ne'ebé klasifikadu nu'udar *aptu* nian vale ba tinan ida, no tempu ne'e sura husi loron ne'ebé hakerek rezultadu final iha sédula militar, no membru Governu ne'ebé responsavel ba área Defeza bele fiksa, liuhusi despaxu, prazu ba validade ne'ebé la hanesan, ho konsiderasaun ba kondisaun espesiál ba nesiedade hodi realiza inkorporasaun ida.

Artigu 40
Antesipasaun prova klasifikasaun nian

Antesipasaun prova klasifikasaun no selesaun nian iha objetivu atu fó possibilidade ba sidadaun atu hala'o servisu militar tinan ida molok nia kompleta tinan 20.

Artigu 41
Inspesaun Domiciliária
(Inspesaun iha uma)

1. Ema ne'ebé iha kanek ka moras ne'ebé prevene nia atu apresenta an ba ezame klasifikasaun no selesaun, bele husu atu halo ezame iha uma.
2. Pedidu hodi hetan autorizasaun atu la apresenta an ba ezame tenke haruka ba CEMGFA, liuhusi órgaun ho kompeténsia ba rekrutamentu no mobilizasaun, to'o loron 30 molok loron ne'ebé marka iha editál hodi konvoka hamutuk ho atestadu médiku husi delegadu ka sub delegadu saúde nian, ka husi ema ne'ebé tuir lei substitui nia.

3. Despaxu rekerimentu nian komunika ba órgaun ho kompeténsia ba klasifikasaun no selesaun competente, no fó koñesimentu ba ema ne'ebé halo pedidu, liuhusi korreiu ka ba nia rasik, hodi bele konfirma katak nia simu informasaun.
4. Hafoin iha koñesimentu ba despaxu, órgaun ho kompeténsia ba klasifikasaun no selesaun competente ba ema ne'ebé halo pedidu nia uma hodi haree direktamente no verifica kapasidade sidadaun nian no halo relatóriu ida.
5. Órgaun ho kompeténsia ba klasifikasaun no selesaun bele promove apresentasaun sidadaun nian ba servisu saúde sivil ka militar hodi halo konsulta, no despeza sira kona-ba transporte, aihan no akomodasaun Estadu maka selu.
6. Karik la posivel atu hala'o inspesaun iha uma, sei aplika falta kona-ba apresentasaun ba ezame.

Artigu 42
La komparese ba prova
La apresenta an ba ezame

1. Justifikasaun ba falta ne'ebé refere iha Artigu 15 LSM nian tenke husu ba XEMGFA, liuhusi órgaun ho kompeténsia ba rekrutamentu no mobilizasaun, no ema ne'ebé husu tenke apresenta prova, karik bele liuhusi dokumentu, kona-ba razaun ne'ebé justifika.
2. Tanba justifikasaun independente husi despaxu ne'ebé merese atu simu, sidadaun simu kedas konvokasaun atu halo ezame
3. Konsidera nu'udar baze hodi justifika falta:
 - a. Moras todan ka asidente ne'ebé halo katak imposivel ba ita atu apresenta iha órgaun ho kompeténsia ba klasifikasaun no selesaun
 - b. Oan moris loron tolu molok loron ne'ebé marka hodi halo ezame
 - c. Moras todan ka asidente família ida nian, no ema ne'ebé halo pedidu maka tenke tulun.
 - d. Ita nia kaben inan/aman, oan ka maun alin mate iha loron ezame nian ka iha loron ida husi loron haat molok loron ne'ebé falta ezame.
 - e. Kazamentu iha loron ida husi loron 10 molok loron ne'ebé falta ezame.
 - f. Kumpre hela pena prizaun nian.
 - g. Halo ezame iha eskola ofisiál ka particular, ka iha kooperativa ne'ebé legal ka iha autorizasaun ,

- iha loron ne'ebé marka hodi halo ezame klasifikasaun no selesaun ka iha loron ne'ebé tuir;
- h. Greve transporte ne'ebé afeta transporte ne'ebé atu uza hodi ba iha órgaun ho kompeténsia ba klasifikasaun no selesaun;
 - i. Razaun ka motivu seluk ne'ebé estraordináriu.
4. Iha másimu loron 30 nia laran, tenke haruka liu husi korreiu ka entrega rasik hodi bele konfirma katak sidadaun simu koñesimentu kona-ba despaxu ne'ebé haree nia pedidu, no fó data foun ne'ebé marka hodi halo ezame.
5. Karik la konsidera falta ba ezame klasifikasaun no selesaun nian, sei halo verifikasaun tuir mai:
- a. Kona-ba falta komparénsia ba ezame prosesu rekrutamentu hodi hala'o servisu militár efektivu normal, (obligatóriu), sidadaun sei konsidera nu'udar obrigadu atu halo servisu militár, no sei konvoka fila fali atu halo ezame klasifikasaun no selesaun nian no sei integra ba kontinjente ne'ebé tuir.
 - b. Kona-ba falta komparénsia ba ezame prosesu rekrutamentu hodi hala'o servisu militár efektivu tuir rejime voluntáriu, sei aplika buat ne'ebé hakerek kona-ba prazu kandidatura nian
6. Hirak ne'ebé konsidera nu'udar obrigadu labele hetan benefísiu kona-ba antesipasaun atu liu ba situausaun disponibilidade nian, no la konsidera nu'udar estra.
7. Karik sidadaun hirak ne'ebé konsidera nu'udar obrigadu repete fila fali falta komparénsia ba ezame, bainhira seidak iha sansaun seluk, liuliu sansaun penal ka kontra-orden nasionál sei bele aplika limitasaun ba servisu públiku hanesan tuir mai:
- a. Kona-ba sidadaun ne'ebé la iha ligasaun ho organizmu ka instituisaun públika, sei taka asesu ba nia tuir Artigu 3
 - b. Kona-ba sidadaun ne'ebé iha ligasaun ho organizmu ka instituisaun públika, nia sei tau iha situausaun lisensa la ho vensimentu ba tempu ne'ebé hanesan ho tempu servisu militár obligatóriu, nia sei lakon nia vensimentu tomak, no sei deskonta tempu servisu nian ba

karreira, reforma no sobrevivénsia

**SUB SEKSAUN II
REKRUTAMENTU HODI HALO
SERVISU MILITAR TUIR REJIME
KONTRATU**

**Artigu 43
Selesaun hodi halo kontratu**

1. Prosesu selesaun sei tuir kritériu hirak tuir mai:
 - a. Kualifikasaun no abilitasaun ne'ebé relevante liu, tuir nesesidade jerál no espesial Forsa Armada nian
 - b. Tempu naruk liu iha servisu ne'ebé hala'o nu'udar militár
 - c. Avaliasaun ne'ebé hetan bainhira sei militár
 - d. Tinan ki'ik liu (relativu) entre interesadu sira seluk
 - e. Kondisaun seluk ne'ebé sei determina liuhusi despaxu Abertura konkursu nian
2. Despaxu abertura konkursu nian tenke determina oinsá atu tetu fatór oin-oin tuir maneira ne'ebé objektivu

**SUB SEKSAUN III
REKRUTAMENTU ESPECIAL BA
KUADRU PERMANENTE**

**Artigu 44
Selesaun ba Kuadru Permanente**

1. Prosesu selesaun sei tuir kritériu hira tuir mai:
 - a. Kualifikasaun no abilitasaun ne'ebé relevante liu, tuir nesesidade jerál no espesial Forsa Armada nian
 - b. Tempu naruk liu iha servisu ne'ebé hala'o nu'udar militár
 - c. Avaliasaun ne'ebé hetan bainhira sei militár
 - d. Tinan ki'ik liu (relativu) entre interesadu sira seluk
 - e. Kondisaun seluk ne'ebé sei determina liuhusi despaxu Abertura konkursu nian
2. Despaxu abertura konkursu nian tenke determina oinsá atu tetu fatór oin-oin tuir maneira ne'ebé objektivu

**SUB SEKSAUN IV
REKRUTAMENTU EXESIONÁL
NE'EBÉ MOSU LIUHUSI**

**KONVOKASAUN NO
MOBILIZASAUN**

**Artigu 45
Selesaun**

- 1) Selesaun ba sidadaun sira iha situasaun rezerva disponibilidade nian tuir nesesidade forsa Armada nian, ne'ebé identifika iha despaxu husi membru governu ne'ebé responsavel ba área Defeza nian, ho konsiderasaun ba fatór no sirkunstánsia ne'ebé determina rekrutamentu exesionál
- 2) Kona-ba nesesidade konvokasaun nian, bele estabeselese kritériu selesaun ne'ebé bazeia ba abilitasaun Literária ne'ebé komunika to'o loron konvokasaun no tuir kondisaun fíziku sidadaun nian

**SEKSAUN III
DISTRIBUISAUN NO ALISTAMENTU**

**Artigu 46
Finalidade
(Razaun/objektivu)**

Distribuisaun no alistamentu halo parte operasaun rekrutamentu jerál nian ne'ebé nia objektivu maka atu fahe rekruta sira ba iha komponente no unidade sira F-FDTL nian

**Artigu 47
Distribuisaun**

- 1) Distribuisaun refere ba oinsá fahe tuir kuantidade no kualidade ba komponente no unidade sira F-FDTL nian
- 2) Tuir kritériu Distribuisaun ne'ebé aprova husi membru Governu ne'ebé responsavel ba área Defeza, hafoin rona CEMGFA, ema ne'ebé iha kompeténsia kona-ba pesoál iha órgaun F-FDTL, no ho baze ba kuantidade pesoál ne'ebé atu inkorpora iha komponente hodi aprova planu Distribuisaun anuál
- 3) Sidadaun sira ne'ebé iha situasaun rezerva disponibilidade nian ne'ebé konvoka hodi halo servisu militar tuir artigu 26 LSM nian, fahe ba komponente, ho konsiderasaun ba klase, arma, servisu ka especialidade iha ne'ebé sira kumpre sira nia servisu militar, no bele hetan reklasifikasaun tuir abilitasaun literária no profisionál ne'ebé sira hetan bainhira liuhusi situasaun rezerva disponibilidade nian.

**Artigu 48
Alistamentu**

- 1) Alistamentu refere ba prosesu fahe rekruta sira ba komponente ida-idak F-FDTL nian, ka ba rezerva territoriál
- 2) Rezultadu sira alistamentu nian públika iha editál inkorporasaun nian
- 3) Órgaun F-FDTL ho kompeténsia ba pesoál maka hala'o alistamentu, ho konsiderasaun ba kritériu jerál ne'ebé CEMGFA defini, rekruta sira selesiona hodi ba iha especialidade ida ne'ebé, grau ka nivel aptidaun ka kapasidade ne'ebé iha, kritériu ne'ebé defini iha n. 4 no 5 iha Artigu 25 LSM nian, NIM ne'ebé fó no preferénsia ne'ebé sira iha
- 4) Rekruta Excedentários (hirak ne'ebé resin) alista iha rezerva territoriál hafoin prenxe kuantidade ne'ebé presiza atu inkorpora
- 5) Kuantidade ne'ebé atu fahe ba komponente Força Armada nian inklui ba iha rezerva de inkorporasaun ne'ebé atu hasoru fallansu ka nesesidade seluk ne'ebé bele mosu kona-ba pesoál ne'ebé atu inkorpora.
- 6) Hafoin halo inkorporasaun turnu ikus iha sira nia kontinjente anuál, rekruta hirak ne'ebé la inkorpora alista ba iha rezerva territoriál

**Artigu 49
Kompromisu Onra nian**

Hafoin hala'o ezame klasifikasaun no selesaun, no hafoin halo Distribuisaun no alistamentu ba sidadaun klasifikadu nu'udar *Aptu*, sira duni tenke inkorpora no proklama nu'udar rekruta, hodi hala'o kompromisu onra eskrita ho ema ne'ebé responsavel ba órgaun rekrutamentu nian, no tuir formula ne'ebé tuir mai:
((Nu'udar sidadaun Timor-Leste, hau kompromete an atu kumpre dever militar ho lealdade, tuir Konstituisaun no Lei))

**KAPITULU III
HALA'O SERVISU EFEKTIVU**

**SEKSAUN I
DISPOZISAUN KOMÚN**

**Artigu 50
Inkorporasaun**

- 1) Inkorporasaun envolve apresentasaun sidadaun nian iha loron ne'ebé determina iha unidade no estabesimentu militar iha komponente Força Armada ne'ebé alistadu ka distribuidu hodi halo servisu militar efektivu.

- 2) Bainhira hala'õ apresentasaun, sidadaun tenke identifika an ho billete identidade no apresenta sêdula militar no notifikasaun respetiva.

Artigu 51

La Aprezenta an ba Inkorporasaun

- 1) Sidadaun hirak ne'ebé, iha prosesu rekrutamentu normal hodi hala'õ servisu militar obrigatóriu, ka iha rekrutamentu exesionál, la apresenta an ba inkorporasaun iha unidade ka estabesimentu militar ne'ebé konvoka sira, no la justifika sira nia falta iha prazu loron 30 nia laran, ka sira nia Justifikasaun la simu, konsidera nu'udar refraktáriu
- 2) Konsidera nu'udar razaun hodi justifika falta inkorporasaun, razaun hirak ne'ebé hanesan ho falta ba ezame klasifikasaun no selesaun, no falta ba inkorporasaun tanba konvokasaun
- 3) Bainhira seidak preve sansaun ne'ebé diferente, liuliu sansaun penal ka kontra orden nasionál, ba sidadaun ne'ebé konsidera nu'udar refraktáriu, sei aplika limitasaun ba servisu públiku hanesan tuir mai:
8. bainhira seidak iha sansaun seluk, liuliu sansaun penal ka kontra-orden nasionál sei bele aplika limitasaun ba servisu públiku hanesan tuir mai:
 - a. Kona-ba sidadaun ne'ebé la iha ligasaun ho organizmu ka instituisaun públika, sei taka asesu ba nia tuir Artigu 3
 - a. Kona-ba sidadaun ne'ebé iha ligasaun ho organizmu ka instituisaun públika, nia sei tau iha situasaun lisensa la ho vensimentu ba tempu ne'ebé hanesan ho tempu servisu militar obrigatóriu, nia sei lakon nia vensimentu tomak, no sei deskonta tempu servisu nian ba karreira, reforma no sobrevivénsia

Artigu 52

Kartaun Identidade Militar

1. Kartaun Identidade Militar uza hodi identifika militar ne'ebé hala'õ servisu efektivu, maibe la substitui billete identidade ka identifikasaun seluk ne'ebé estabelese iha lei
2. Kartaun identifikasaun militar entrega ba nia nain iha unidade inkorporasaun, no unidade kolokasaun rekolla fila fali bainhira remata servisu militar

3. Modelu Kartaun identidade militar aprova liuhusi despaxu husi membru Governu ne'ebé responsavel ba área Defeza

Artigu 53

La hetan susesu kona-ba Instrusaun militar

1. Bainhira rekruta ka militar kumpre sira nia servisu militar iha rejime voluntariadu la hetan susesu iha período instrusaun nia laran, sei halo verifikasaun tuir mai:
 - a. Kona-ba período instrusaun bazika, sira bele hili atu liu ba situasaun rezerva territoriál, ka atu submete an fila fali ba período foun preparasaun nian karik sira la hetan susesu tanba asidente ka moras
 - b. Kona-ba período instrusaun komplementár, karik la hetan susesu tanba moras ka asidente, sira tama kedas ba período instrusaun foun hafoin remata situasaun ne'ebé sira moras ka iha asidente
 - c. Kona-ba período instrusaun komplementár, maibe moras ka asidente la halo katak la hetan susesu, sira tama fali ba situasaun rezerva territoriál, karik sira la husu atu klasifika fila fali iha klase seluk, armas, servisu ka especialidade
 - d. Karik la hetan susesu iha instrusaun tanba iha asuntu dixiplinár, sira tama fali ba rezerva rekrutamentu nian
2. Buat ne'ebé deit rekruta ka militar hakarak nia rasik tenke halo liuhusi surat eskrita, tuir modelu ne'ebé membru Governu ne'ebé responsavel ba área Defeza sei aprova
3. Bainhira hala'õ servisu militar normal obrigatóriu no la hetan susesu iha instrusaun, obrigatóriu katak repete fila fali, iha turnu foun, ba iha ne'ebé hetan konvokasaun
4. Tuir situasaun iha número sira iha leten, militar hirak ne'ebé tenke repete fila fali instrusaun tama iha lisensa ne'ebé rejista to'õ loron ne'ebé hahu turnu foun ba preparasaun ba iha ne'ebé bolu sira
5. Bainhira repete período instrusaun bazika tanba la hetan susesu ho razaun dixiplina nian, sei hatan prejuizu (sei lakon) ba tempu servisu efektivu normal

Artigu 54

Juramentu ba Bandeira

1. Militár hotu-hotu halo Juramentu ba bandeira bainhira remata instrusaun bazika no molok hahu instrusaun komplementár, iha seremónia públika, iha Bandeira Nasionál nia oin, ne'ebé sira iha ligasaun, iha servisu efektivu ka hafoin disponibilidade hanesan tuir mai:
((Hau _____ jura ba maromak no ba hau nia onra atu dedika hau nia enerjia no hau nia moris hodi defende Pátria Konstituisaun Repúblika nian no soberania nasional))
2. Militár ne'ebé, tanba moras ka tanba motivu seluk la halo juramentu ba bandeira iha seremónia públika, tenke halo iha gabinete Komandante ka Diretór unidade iha ne'ebé nia simu instrusaun bazika, iha pelumenus testemuña nain rua nia oin

**SEKSAUN II
NATUREZA JURIDIKA BA
VINKULU/LIGASAUN REJIME
VOLUNTARIADU NO REJIME
KONTRATU**

**Artigu 55
Rejime Legal Voluntariadu nian**

1. Servisu efektivu tuir rejime voluntariadu envolve servisu militár voluntáriu ba fulan 18, hodi satisfás nesesidade sira Forsa Armada nian
2. Obrigasaun legal ne'ebé aplika ba rejime voluntariadu, hanesan ho rejime kontratu nian, no aplika mós Disposisaun ne'ebé hanesan ho adaptasaun ne'ebé nesesáriu
3. Hafoin remata fulan 18 iha rejime voluntariadu, sidadaun liu ba rezerva disponibilidade karik nia la hetan kontratu tuir saida maka preve iha diploma ida ne'e

**Artigu 56
Rejime Kontratu nian**

1. Ba efeitu legal hotu-hotu, rejime kontratu hanesan ho kontratu administrativu nomeasaun permanente, no militár ne'ebé simu kontratu sei hanesan Ajente administrativu
2. Norma sira ne'ebé aplika ba militár sira iha Forsa Armada, sei aplika mós ba Militár sira iha rejime kontratu, hafoin halo adaptasaun ne'ebé nesesáriu
3. Servisu efektivu iha rejime kontratu, envolve hala'o servisu militár ba iha período minimu fulan 18, ne'ebé bele renova ho período tinan 2 dala ida to'o másimu tinan hitu no sura husi tempu uluk

ne'ebé hala'o servisu efektivu normal ka voluntáriu

4. Durasaun kontratu ida-idak nian no kontratu hirak ne'ebé renova nian depende ba avizu abertura konkursu nian

57

Halo Kontratu

1. Loron ne'ebé hahu kontratu refere ba loron inkorporasaun, ka kona-ba renovasaun kontratu nian bainhira kontratu ida seluk remata
2. Bainhira halo kontratu, forsa Armada sei entrega informasaun eskrita kona-ba objetivu nasional, organizasaun no komponente ba ne'ebé kontratu refere, no mós direitu no dever ema ne'ebé simu kontratu, no mós ezeplu ida kona-ba Regulamentu Dixiplinár Militár, no bainhira iha Kódigu Justisa Militár.
3. Modelu kontratu nian aprova husi membru governu ne'ebé responsavel ba área Defeza nian

**Artigu 58
Períodu Esperiência nian**

1. Bainhira hala'o servisu efektivu iha rejime voluntariadu, ne'ebé inklui mós rekrutamentu voluntariadu ba kadru tékniku, konsidera katak período esperiência nian maka 1/3 husi tempu ba dala uluk instrusaun bazika nian, ne'ebé labele menus liu loron 15
2. Iha servisu efektivu nu'udar rejime kontratu, período esperiência nian maka tempu ne'ebé dobru husi tempu esperiência iha número leten nian
3. Bainhira iha período esperiência nian, no la prejudika número tuir mai, ema ida bele hakotu kontratu liuhusi komunikasaun eskrita ne'ebé apresenta iha minimu loron 5 molok atu remata servisu
4. Komunikasaun atu hakotu kontratu ne'ebé refere iha leten, bainhira mai husi Forsa Armada, tenke iha Justifikasaun

**Artigu 59
Hakotu / Termina Kontratu liuhusi
Inisiativa militár nian**

Rekruta militár ne'ebé foti Inisiativa atu hakotu nia kontratu iha período instrusaun bazika ka komplementár nian ka molok remata período minimu tuir nia obligasaun, sei labele tuir konkursu, admisaun ka asesu ba servisu iha instituisaun Estadu nian ka iha entidade públika seluk, independente husi obligasaun

ne'ebé refere, ba tempu ne'ebé dobru husi tempu ne'ebé sei falta

**SEKSAUN III
KONVOKASAUN**

**Artigu 60
Data Inkorporasaun**

Inkorporasaun ba sidadaun hirak ne'ebé konvoka liuhusi Artigu 26 LSM nian sei hala'o iha loron ne'ebé defini iha despaxu husi Chefe Estadu Maiór General Forsa Armada nian

**Artigu 61
Tempu iha Fileira**

1. Servisu efektivu ne'ebé hala'o liuhusi konvokasaun, hala'o ba tempu ne'ebé determina iha despaxu husi membru ne'ebé responsavel ba área Defeza, bainhira hala'o iha situasaun resiklajen (retreinamentu) treinamentu, ezersisiu no manobra militar ka Dekretu Governu nian, bainhira hasoru situasaun perigu funu nian ka agresau ne'ebé bele mosu ka iha tiha ona, husi forsa estranjeiru, molok hasai Dekretu hodi hala'o mobilizasaun jerál militar nian.
2. Bainhira dezvoltamentu ba nesesidade militar efektivu nian permite, hodi halo determinasaun ba militar hirak ne'ebé atu hela iha fileira liuhusi estensaun (hanaruk) ba konvokasaun nian, sei inklui (hasai) liuhusi orden prioridade nian, hirak ne'ebé:
 - a. Kaben nain
 - b. Iha Responsabilidade ba dependente
 - c. Sira oan mesak
3. Karik iha nesesidade atu hili husi grupu ida-idak ne'ebé refere iha aliña número iha leten nian, sei uza kritériu tinan, ho preferénsia ba sira ne'ebé tinan ki'ik liu
4. Prova hirak ne'ebé tenke iha hodi bele halo verifikasaun ba situasaun hirak ne'ebé refere iha número iha leten, tenke halo liuhusi dokumentu orijinal ne'ebé tenke apresenta iha unidade ne'ebé militar hala'o servisu, pelumenus loron 15 molok data ne'ebé preve atu estende (*hanaruk*) tempu iha fileira

**Artigu 62
Falta a Inkorporasaun
(La apresenta an ba inkorporasaun)**

1. Sidadaun hirak ne'ebé la apresenta an ba inkorporasaun tenke fó hatene razaun tanbasá nia la apresenta an iha unidade ka

estabelesimentu militar ba iha ne'ebé sira simu konvokasaun, iha oras 48 nia laran, no apresenta an hafoin hotu motivu ne'ebé refere

2. Justifikasaun ba falta ne'ebé refere iha Artigu 26 LSM nian tenke liuhusi rekerimentu ba Chefe Estadu Maiór General Forsa Armada nian, liuhusi unidade ba iha ne'ebé nia simu konvokasaun, no tenke inklui prova eskrita kona-ba motivu (razaun)
3. Husi desizaun ne'ebé hakotu rekerimentu ne'ebé refere iha número iha leten, tenke fó koñesimentu ba rekruuta liuhusi karta eskrita, iha másimu loron 30 nia laran
4. Motivu (razaun) hirak tuir mai bele justifika falta ba inkorporasaun:
 - a. Moras todan ka asidente ne'ebé halo katak imposivel ba ita atu apresenta iha órgaun ho kompeténsia ba klasifikasaun no selesaun
 - b. Oan moris loron tolu molok loron ne'ebé marka hodi halo ezame
 - c. Moras todan ka asidente família ida nian, no ema ne'ebé halo pedidu maka tenke tulun.
 - d. Ita nia kaben inan/aman, oan ka maun alin mate iha loron ezame nian ka iha loron ida husi loron haat molok loron ne'ebé falta ezame.
 - e. Kazamentu iha loron ida husi loron 10 molok loron ne'ebé falta ezame.
 - f. Kumpre hela pena prizaun nian.
 - g. Halo ezame iha eskola ofisiál ka particular, ka iha kooperativa ne'ebé legal ka iha autorizasaun, iha loron ne'ebé marka hodi halo ezame klasifikasaun no selesaun ka iha loron ne'ebé tuir;
 - h. Greve transporte ne'ebé afeta transporte ne'ebé atu uza hodi ba iha órgaun ho kompeténsia ba klasifikasaun no selesaun;
 - i. Razaun ka motivu seluk ne'ebé estraordináriu.
5. Sidadaun ne'ebé tanba moras la apresenta an iha loron ne'ebé estabelese hodi halo inkorporasaun sei sujeitu ba verifikasaun domiciliária (*iha uma*) husi médiku militar nian

6. Sidadaun ne'ebé la justifika nia falta ka laiha motivu ne'ebé bele atende sei konsidera nu'udar refraktáriu no aplika sansaun ne'ebé preve iha diploma ne'e.

**KAPITULU IV
REZERVA DISPONIBILIDADE NIAN**

Artigu 63

**Kondisaun hodi liu ba rezerva
disponibilidade nian**

Muda ba situasaun rezerva disponibilidade nian iha ne'ebé hela to'o halo tinan 30:

- a) Sidadaun sira husi rekrutamentu normal ka voluntáriu nian ne'ebé remata servisu militár efektivu
- b) Sidadaun sira husi rekrutamentu exesionál ne'ebé remata servisu efektivu tanba konvokasaun ka mobilizasaun
- c) Sidadaun ne'ebé hasai husi kuadru permanente Forsa Armada nian maibe mantein kondisaun hodi hala'o servisu efektivu tanba konvokasaun ka mobilizasaun

**KAPITULU V
DIREITU NO GARANTIA
SEKSAUN I
DISPENSA ADIANTAMENTU NO
ISENSAUNHODI KUMPRE HO DEVER
MILITAR
SUBSEKSAUN I
DISPENSA ADIANTAMENTU NO
ISENSAUNHODI KUMPRE HO DEVER
MILITAR IHA REZERVA
REKRUTAMENTU NIAN**

Artigu 64

Motivu dispensa no adiantamentu nian

1. Sai nu'udar motivu (*razaun*) hodi adianta ezame klasifikasaun no selesaun:
 - a. Iha kapasidade atu kandidata an ba ensinu superior to'o tinan ne'ebé sidadaun sira kompleta tinan 20, ka estuda hela iha estabelesimentu ensinu (*eskola*) superior ka ekivalente ho aproveitamentu (*susesu*) iha rai laran ka iha estranjeiru
 - b. Agora daudaun estuda hela ka tuir kursu formasaun ka estájiu profisionál

2. Sai nu'udar motivu (*razaun*) hodi hetan dispensa ba ezame klasifikasaun no selesaun:

- a. Rezidénsia (hela) legal iha estranjeiru nu'udar permanente no kontínuu
- b. Sidadaun orijinal husi Timor-Leste, maibe iha nasionalidade seluk, no bele hatudu dokumentu hodi prova katak iha obrigasaun ne'ebé hanesan iha estranjeiru
- c. Estuda iha semináriu, membru institutu relijiaun nian no Ministru naran relijiaun ida ne'ebé rekoñese tuir lei
- d. Iha responsabilidade ba oan ka oan hakiak ne'ebé ki'ik liu tinan 10

3. Iha motivu (*razaun*) ba dispensa inkorporasaun bainhira iha maun/alín ida, ne'ebé iha tempu ne'ebé hanesan inkorpora tanba simu konvokasaun liuhusi Artigu 26 LSM nian

4. Sai nu'udar motivu (*razaun*) hodi hetan dispensa ba ezame klasifikasaun no selesaun, no mós inkorporasaun:

- a. Iha kualidade ne'ebé determina iha estatutu legal
- b. Oan ka maun/alín militár ida ne'ebé mate ka sidadaun ne'ebé kualifikadu nu'udar defisiénte husi Forsa Armada ho persentajen inkapasidade ne'ebé hanesan ka boot liu 60% , tuir kondisaun regulamentu nian;
- c. Kona-ba hirak ne'ebé la'os voluntáriu, no hala'o hela pena ka bele hetan medida atu halo kumpre , ne'ebé dala ruma la hanesan ho servisu iha fileira
- d. Moras ne'ebé sei kleur no iha prova husi autoridade públika ne'ebé kompetente

Artigu 65

Prosedimentu dispensa no adiantamentu

Regulamentu kona-ba oinsá atu aplika rejime dispensa no adiantamentu nian sei halo liuhusi despaxu husi membru Governu ne'ebé responsavel ba área Defeza, ne'ebé sei dehan dokumentu hirak ne'ebé maka tenke apresenta no prazu ida-idak nian, organizasaun, instrusaun no progresu prosedimentu sira nian, kompeténsia sira órgaun interveniente

(*interesadu / ne'ebé iha interese kona-ba ne'e*), no mós prosesu atu fô suisídiu.

**SUBSEKSAUN II
DISPENSA REZERVA MILITAR IHA
REZERVA DISPONIBILIDADE**

**Artigu 66
Atividade Interesse Nasionál**

Despaxu konvokasaun nian, hodi hala'o artigu 26 LSM bele determina situasaun balun iha ne'ebé konsidera katak sidadaun sira hala'o servisu ne'ebé importante tebes ba servisu públiku ne'ebé nesésáriu, ka dezenvolve atividade privadu sira ne'ebé labele falta ba moris rai nian ka ba nesésidade sira Forsa Armada nian, ne'ebé bele dispensa bainhira kontínua hala'o funsaun ida ne'e nian.

**Artigu 67
Prosedimentu dispensa
(Hala'o prosesu dispensa)**

1. Sidadaun hirak ne'ebé iha rezerva disponibilidade bele husu ba Chefe Estadu Maiór Forsa Armada atu fô dispensa ba servisu efektivu ne'ebé refere iha artigu 26 LSM nian iha loron 15 nia laran sura husi loron notifikasaun ne'ebé refere.
2. Rekerimentu sira ne'ebé artigu ida ne'e refere ba, iha hetan informasaun liuhusi dokumentu ne'ebé adekuaudu hodi prova faktu sira ne'ebé uza hodi determina pedidu.
3. Desizaun kona-ba rekerimentu dispensa nian tenke fô sai iha loron 10 nia laran, sura husi data ne'ebé simu pedidu.

**SEKSAUN II
AMPAROS
(Protesaun-Apoiu)**

**Artigu 68
Rejime Amparos nian
Rejime Apoiu/Suporta**

1. Sira amparo (*ema ne'ebé proteje*) familia, sidadaun hirak ne'ebé iha responsabilidade nu'udar kaben nain, ba inan/aman, oan, maun/alin ka sobriñu ne'ebé inkapasitadu, (*aleijadu*) ka seidak iha tinan 18, no seidak emansipadu (*seidak livre husi kontrolu inan/aman nian*), ka ema ne'ebé hakiak no eduka sira, no katak iha provas hodi hatudu katak sira laiha meius atu mantein sira nia an rasik
2. Sidadaun hirak ne'ebé iha direitu ba kualifikasaun nu'udar amparo, bele

- konvoka deit tuir kazu ne'ebé preve iha aliña b) n.1 Artigu 26 LSM nian
3. Konsekuénsia ba klasifikasaun nu'udar amparo maka:
 - a. Liu kedas ba situasaun rezerva territoriál nian, karik klasifikasaun ne'e akontese molok kompleta instrusaun militar
 - b. Liu kedas ba situasaun rezerva disponibilidade, karik kualifikasaun ne'e akontese hafoin kompleta instrusaun militar
4. Sidadaun hirak ne'ebé tuir konsiderasaun ne'ebé preve iha artigu anterior, no servisu efektivu ne'ebé nia hala'o konsidera katak indispensavel (*nesésáriu*), iha direitu atu simu suisídiu ida husi estadu, ho regulamentu tuir buat ne'ebé preve iha número tuir mai, ne'ebé bele sai, tuir kazu ne'ebé bazeia ba vensimentu ne'ebé sidadaun simu iha loron ne'ebé konvoka.
5. Regulamentu kona-ba oinsá atu aplika rejime amparo nian sei halo liuhusi despaxu husi membru Governu ne'ebé responsavel ba área Defeza, ne'ebé sei dehan dokumentu hirak ne'ebé maka tenke apresenta no prazu ida-idak nian, organizasaun, instrusaun no progresu prosedimentu sira nian, kompeténsia sira órgaun interveniente (*interesadu*), no mós prosesu atu fô suisídiu

**SEKSAUN III
DIREITUS E GARANTIAS
KOMPLEMENTARES**

**Artigu 69
Pensaun ba asidente ka moras ne'ebé hetan tuir servisu militar**

1. Sidadaun hirak ne'ebé kumpre ho funsaun dever militar ne'ebé preve iha LSM, ka hala'o servisu militar efektivu, no hetan inkapasidade permanente no total ka lakon kapasidade atu simu/manan osan tanba hetan asidente ka moras ne'ebé dait ka sai grave liu tanba razaun ne'ebé hanesan, iha direitu atu simu pensaun reforma estraordináriu nian ka pensaun invalidez tuir termu hira iha diploma ne'ebé regula.
2. Karik mate nu'udar rezultadu ba pontu hirak ne'ebé iha leten, ema hirak ne'ebé to'o loron ne'ebé nia mate depende ba nia, iha direitu atu simu pensaun ne'ebé hanaran pensaun "de Sangué" (*Pensaun tanba mate*) tuir diploma ne'ebé regula

3. Ema sira ne'ebé simu pensaun hirak ne'ebé refere iha pontu rua iha leten, simu direitu no regalia seluk tuir sira nia situasaun, no ne'e estabesele iha nia diploma rasik.

Artigu 70

Reabertura no Revizaun prosedimentu nian (loke fila fali no halo revizaun ba prosedimentu)

Sidadaun sira bele husu atu loke fila fali no atu halo revizaun ba prosesu sira asidente ka moras iha servisu nian, iha prazu ne'ebé estabesele iha lejjizlasaun nia laran, bazeia ba provas ka bazeia ba situasaun ne'ebé ema moras liu tan, ka hafoin simu deklarasaun husi Doutór katak di'ak tiha ona, hetan fila fali moras ne'ebé hanesan

Artigu 71

Alojamentu/Akomodasaun, alimentasaun/Aihan no Transporte ba sidadaun hirak ne'ebé simu konvokasaun no sira ne'ebé voluntáriu

1. Sidadaun hirak ne'ebé hela iha territóriu nasonál iha direitu ba fatin atu hela, aihan no transporte ne'ebé tuir Lei Estadu maka selu, liuliu ba deslokasaun hirak tuir mai:
 - a. Hodi halo prova/ezame klasifikasaun no selesaun nian
 - b. Inkorporasaun
 - c. Aprezenta an liuhusi konvokasaun
2. Hodi hala'o deslokasaun ne'ebé refere iha número leten nian, Forsa Armada bele fó transporte, ka se lae bele fó apoiu ba kustu transporte nian liuhusi Sekretaria Estadu Defeza nian. Ne'e tenke notifika ba sidadaun sira hodi kumpre obligasaun ne'ebé halo parte ba kustu hirak iha leten.

KAPITULU VI DISPOZISAUN KOMPLEMENTAR NO FINÁL

Artigu 72

Padre/Amo no relijiozu sira kumpre ho dever militar

Membru Institutu relijiozu no Ministru husi relijiaun ne'ebé deit ne'ebé rekoñese tuir lei bele simu dispensa husi ezame klasifikasaun no selesaun nian karik iha momentu ne'ebé sira simu konvokasaun hodi hala'o servisu militar, sira hetan kedas klasifikasaun nu'udar

aptu hodi hala'o servisu asisténsia relijiaun nian iha Forsa Armada

Artigu 73

Alterasaun/Mudansa ba dadus pessoais

Sidadaun sira ne'ebé iha rezerva disponibilidade nian tenke fó hatene rasik liuhusi surat rejistada ba DNRH iha SED, kona-ba mudansa hela fatin nian, abilitasaun literária ka estadu sivil nian

Artigu 74

Izensaun emolumentus nian (La selu kustu)

Bainhira atu halo rekoñesimentu husi notáriu no hodi trata dokumentu seluk hanesan mós hirak ne'ebé trata iha estabesimentu ensinu nian no iha servisu públiku hodi hala'o prosesu militar nian, sei la tenke selu buat ida.

Artigu 75

Izensaun husi kustu korreiu

Korrespondénsia kona-ba avizu, editál, konvokasaun no notifikasaun ne'ebé haruka ba sidadaun sira kona-ba kumprimentu dever militar nian sei la selu korreiu

Artigu 76

Forma komunikasaun nian

Komunikasaun ne'ebé preve iha regulamentu ida ne'e sei hala'o tuir dalan ne'ebé iha, inklui mós fax no korreiu eletróniku (e-mail), bainhira iha, no bainhira iha possibilidade no koñesimentu tékniku hodi